



橋東詩草卷十二

大興邵葆祺壽民著

庚申

正月初九日三十初度書懷

把酒呼長命春來儻未遲又逢初度日細檢十年  
詩塵夢勞如此名心淡可知居然成閱歷青髯亦  
絲絲

墮地原如劫登壇孰敢雄眼中青史淚世上黑頭

橋東詩草

卷十二

一

公煙海經時換雲天人望空抱書仍寂寂吾已負

春風

落拓看家計聊簫說宦情一官愁欲誤萬卷笑何

成詩漸增窮味歌常作恨聲美人與駿馬當日願

平生

好介庭闈壽燈筵近鬧蛾笑聲圍骨月春意澹煙

蘿載酒詩人聚開簾雪影過辛槃聊一醉今日樂

如何

偶吟

推書試憶燈前夢被酒聊尋枕上詩  
片月過窗原悄悄瓶花小影已先知

送尤二娛

維熊

大令之任

舊作諸侯客今爲萬里行人奇  
詩境險官遠馬蹄輕繡嶺盤空出  
蠻花夾路迎鳴鞭看踴躍天外一書生

見說江鄉過清娛並載從匆匆  
持手板宛宛譜眉

橋東詩草

卷三

二

峰花縣栽新樣鷗波話舊蹤  
勝他愁六詔空訴斷

腸儂

二娛爲其姬人作鷗夢圖

地遠無兵氣休歌行路難  
丈夫輕絕域名士願麤官古硯隨身老  
奇雲撲面寒彈琴知大雅仙吏本儒冠

清妙無君敵顛狂忽我知  
春盤朝賭酒冷燭夜評詩京國餘梅信  
蠻江補竹枝他年猿女曲都唱宰

官詞

題尤二娛鷗夢圓圖

曲曲紅蘊扇影涼惜花人坐水中央藕絲也有纏  
綿意蓮葯初開自在香相對不須怨楊柳多情眞  
歡化鴛鴦縈波恰是閒鷗好一縷圓痕入夢長

登岱圖李墨莊屬題

絕頂自前古羣峰甘下乘氣空天欲讓景幻地無  
憑碧擁雲千縷紅拖日一繩又看君渡海潑墨繪  
圖仍

橋東詩草

卷上

三

讀陳蔭山借樹山房詩稿卽題於後

伸紙曾消墨幾丸近來詩思倍清寒一編收束飛  
揚氣十載量移本分官耐可回頭避邢尹偶然搖  
筆動蘇韓盤空硬語書空字莫作尋常翫世看

憎鼠

內閣多鼠狀極大往  
往嚙人詩以驅之

逐去虛無所偏容故紙遮名猶慙老蝨種亦類官  
蛙昏暮爭搖尾么麼敢礪牙會逢判獄手磔汝委

蟲沙

題船山雪中狂飲圖

庚戌年同洪稚存飲酒作

過眼風花易十年，酒人往事各纏綿。  
荒沙爭憶長流客，古雪曾埋兩謫仙。  
同日聲華香案侶，暫時游戲凍雲天。  
醉鄉賸有張顛在，此際披圖倍惘然。

題張壽門問

萊湖山宦興圖

郎送其分發浙江

船山季弟也

試用主簿

指點風櫺水面亭，一船花影數峰青。  
君家兄弟詩名好，却讓湖山養性靈。

橋東詩草

卷三

四

行程小駐認江湄，載酒先過短簿祠。  
莫道僉官無韻土，千秋溫李盡傳詩。

稜雲莽莽接秦關，海外長鯨去亦難。  
兩地烽煙如淨埽，願君安穩夢家山。

耐我頻年踏軟紅，煙霞回首意何窮。  
徒身不若圖中隸，持繖相隨入剡中。

送子白大令之任涼州

子白初選浙江新昌縣嗣調此任

失意翻令笑不支，才人有例宦天涯。  
爭傳畫舸雙

迎處忽唱黃河遠上詞青海風沙春後雪綠波煙  
雨夢中詩累他採藥天台女千里扶雲幾度思  
識字何如兩石弓喜君作宦勝從戎蒲桃酒熟干  
塲醉苜蓿花開萬馬空絕塞偏憐兵氣少放衙應  
羨吏才雄相思儻奏伊涼曲短笛高樓一望中

二月十六日送梁谷八弟之楚就婚武昌官

舍制府姜公其外舅也

節使門闌棨戟高燭花影裏靜弓刀登樓客喜逢

橋東詩草

卷五

五

仙境却扇人防試絲毫定識婦家憐愛重每思親  
舍夢魂勞從來贅壻如婚女持踵丁寗日幾遭

去去河橋柳色新天涯珍重少年身梁園車過千  
山暮漢水波搖一艇春檄草飛時迎快壻榴花豔  
際待歸人須知垂白高堂 母早爲摩挲望眼頻

畫駝爲子白題

偶寫明駝樣真成出塞行風高鞭影直沙落劍光  
橫牛馬無生氣乾坤有戰聲鬼鬼千里足珍重玉

關情

聞張亥白孝廉自遂寧奉母移居成都作此  
寄懷時賊初渡嘉陵江擾及遂寧東岸

竟寧防江鐵鎖開黑山風雨渡江來久驚雲棧橫  
戈數忽訝春城暮角哀人少復殘寧是劫兵奇猶  
險况無才鄭公去後誰持節空報軍符日夕催

苦憶詩人住錦城飄零杜老自吞聲高堂有母宜  
加飯故里無家恐被兵盡室何妨來問道遠山幾

橋東詩草

卷十一

六

處避連營天涯各瘦憐君弟偶話巴渝百感生

乞假

自笑疏狂類阮生似因佳醞乞爲兵誰知禿穎中  
書樣依舊陽城下考評遭際非難吾輩少去來猶  
易此官輕薇花算我甘棠恐回首依依無限情

春日偶吟

官去如仙蛻蕭然欲閉關世寧容我懶天偶放人  
閒塵擾疑揚海雲停怕出山誰修止足傳儂願著

其間

待開紅藥日此地我將離頗少看花分應多中酒  
時三冬成往夢一月補新詩終恐飢驅出偷閒儻  
未遲

同人遊天橋池上作

淺綠不成春名花開已晚何處尋芳春又闌天橋  
極目斜陽遠橋頭新水活鄰橋外高樓聚酒人酒  
人漫說登樓好春衣且步沿溪草碧瓦朱櫺護溼

橋東詩草

卷十一

七

雲千重增樹波光遠飛埃東指何迷漫舉頭不見  
城西山但見如鱗萬閒屋可憐屋底之人忙與閒  
幾能到此開心顏清漪夾道蒼煙暮指點遊人垂  
釣處魚意還嫌人面塵避影堂堂搖尾去君不見  
風帘低拂青模糊惆悵難尋舊酒鑪路傍墳比昔  
時有橋下水爲當日無重思經始何年事一笑書  
空作亥字四角深亭十丈碑拜手如披郊祀志誰  
占水勢說兵機欲掩春渠計恐非煙波果洗三軍

甲我願填橋化鵲飛  
按渠成於乾隆辛亥近聞有人請仍填之以壓兵氣故及之

### 遊聖安寺

綺陌何心逐鈿車且從蕭寺覓煙霞黃金尙鑄無  
量佛紅淚誰憐欲敗花萬點沙痕迷鬼境

地近西市一

枝雲影讓僧家簷前鈴語東風軟替戾岡中日又

斜

有感

四月十五日燈下

橋東詩草

卷十二

八

忽逐遊蜂去分明劫數中自家甘墮落難怨五更風

### 詩味

詩味填曾滿拈毫忽復休可容成懶癖祇覺帶閒愁  
雨腳垂空小花魂入夢柔舊遊偏記憶扶醉板

橋頭

四月二十六日繩兒納采溫氏

粵東箕坡洗馬之女

劉廬眞喜是天親大母先開笑口頻扶杖爲孫

談故事鏡臺原屬姓温人

禮聘慚無百寶函自憐樗散對冰銜詩人爭作氣

氲使如此因緣儻不凡

執柯者趙味辛童春崖張船山及家瑤圃四人

綾帖重翻舊樣宜女兒箱畔翦聲遲挑鐙笑共山

妻話十九年前納采時

家慶筵開芍藥紅紀時可與昔年同婦翁榜樣猶

堪擬步武休教似乃翁

予壬寅年納采先大父作詩有榜眼婦翁堪榜樣

句故戲云

橋東詩草

卷十二

九

夏夜遣懷

閉戶真長策休疑作佛遲六街鐙影亂一弓枕函  
敵月到花處詩來無夢時些些空味好不用箇  
人知

悶

才以官先退家因仕轉貧徑堪焚筆硯悔未識金  
銀招隱懷高士談時聽俗人世緣渾嬾漫可奈少  
年身

喜聞洪穉存蒙

恩赦歸故里

閏四月  
初三日

繞屋灌聲闕酒徒

是日同人  
飲硯農家

爭傳

溫詔怒狂夫

累冠歸比丁年早諫草

披還乙夜俱意外

恩

光天上有眼前名譽世間無寒香晚節尤珍重肯

遣煙霞老五湖

得八弟武昌手書作此寄懷時將於閏四月

十二日入贅官署

兵氣如虹動波影漢陽遠樹迷離境黃鶴仙人去

橋東詩草

卷上

十

不回笛聲五月梅花冷阿連遠贅似從軍徒倚天

涯憶白雲爭看迂塔鋪金塔更喜催妝寫練裙森

森畫戟門闌貴肯以檳榔啖劉毅引鳳樓前綵筆

飛賦成定有凌雲氣卻愁烽火暗瀟湘走檄還應

讓孔璋雨工北指驅羊嬾

京師  
苦旱

雲陣西防突豕忙

老母高堂髮垂白每因予季嗟行役兒女姻親

幸得完兵戈莫使萊衣隔尺書遙寄思漫漫手檢

文無勸早還會待花開歸陌上任嘲竇建作梁山

戲用五代李濤語 萬點煙濤何處綠武昌官柳垂如玉未

聽鏡歌十八章笑君先譜房中曲

懷趙介山

文楷

同年

時以修撰充琉球正使聞太夫人已下世矣

萱闈猶見錦衣旋奉使榮如及第年

去冬乞假歸省

但望

生還從海外那知死別已堂前春暉黯淡孤兒夢

浪影蒼茫萬里天若到三山重迴首尙疑親舍白

雲邊

喜得外舅蔡小霞先生蘭州家信

時權藩篆

橋東詩草

卷十一

十一

同展愁眉一紙書綠窗病起上燈初久傳秦隴千

貔虎乍寄關河雙鯉魚戰士頻年如轂轉行營此

日仰邊儲量沙益竈室無策應笑封侯印不如

查小山比部以馬見贈作此戲謝卽送還焉

一笑門餘四角輪誰將名馬贈閒人相看自覺材

尤下不受應知感倍眞汗血可償愁世難豆芻欲

任愧家貧年來已分籠東慣驢背從教障面塵

題行看子

胷次空茫意最眞形骸簡澹氣難馴偶來奇語逼  
才鬼那有閒詩款俗人醉死翻如千日醒狂生偶  
占一時春風前栩栩吹蝴蝶知是恒沙第幾身

曉

簾靜藥煙疏窗幽鬢雲冷不知月已沈祇覺花無  
影

人  
淺坐忽生悟空檐飛輭塵鐘聲自清曉不爲夢迴

橋東詩草

卷三

七

題畫

雨氣籠沙雁未歸渡頭波冷漾僧衣蘆花也學春  
前絮卻到秋來任意飛

驛柳二首和船山韻

煙絲猶映暮山晴樹外偏傳戍鼓迎一騎塵飛荒  
驛路萬枝風擁戰場聲客來遠道休橫笛人指斜  
陽欲下城寄語昏鴉棲莫穩關河到處是連營  
離情繚繞尙春衣賸有天涯綠幾圍絮影懶隨官

馬去鶯聲甘送酒人歸壞橋路滑柔波捲古堞旗  
殷細雨飛記否數行茅店外五更殘夢最依依

懷羅

南

英司馬

湖南考簾

先君所取士也作  
中部令多惠政丙辰考滿大吏

疏薦擢福建  
同知尋乞歸

當年

天子呼良吏薦表千行墨未乾兩地民

爭如望歲太平公早願休官秦山突兀生祠宇湘  
水蒼茫舊釣竿今日求賢頻下詔更誰重與獻

朝端

橋東詩草

卷三

三

遊百氏園林口占

一圍水竹儘荒寒細馬窺牆蝶繞闌應是主人無  
夢到好花紅與夕陽看

再詠驛柳二首和老船韻

瘦影毵毵似漢陽可能到此不思鄉半生風雪千  
夫淚一簇旌麾萬縷霜宛轉歌難留客舍蕭騷人  
易感名場江潭搖落鞭絲遠又拂涼雲雁幾行  
乍吹蘆管向邊州短埃長亭處處愁似此將軍曾

倚樹看人夫婿儘封侯誰傳籌筆詩能和只恐攀  
條涕欲流幾度西來征戍客灞陵橋外不禁秋

五日卧病

倚枕過佳節榴花開自紅悶難恢眼界患目眩愁欲

釀頭風葵扇捐何早蒲觴味已中離騷經一卷恰  
與病懷同

神寒逢大暑陰重值端陽續命盞無縷禳災或有

方一生此肝膽醫云肝疾二豎莫膏肓老母關心切

橋東詩草

卷十二

十四

吟詩戒匆忙

口占

大熱不禁苛吏擾好風那見故人來多情賴有牀  
頭月悄悄更深看一回

詠古

貫索雲邊朗旌旗漢上遙爭歌齊勅勒又望霍嫖  
姚將帥身難死烽塵燄未消河東趨渭北莫遣馬

蹶驕

三十登壇早空傳將種名謝元難破賊趙括易言  
兵東市偏能免西陲不憚行祖貽恩券在遣謫又  
公卿

戰馬頻年苦如輪轉不休乍聞飄劍外忽復向秦  
州師遁官猶樂邨荒盜也愁何當驅亂蟻一炬火  
齊牛

見說軍儲急金錢百萬餘人方悲浩劫天亦坐孤  
虛鹽鐵空生論芻蕘莫上書無才堪裕國抵掌欲  
橋東詩草

卷上

五

何如

豺狼誇已殄蟲豸笑何干不識安危注仍求本分  
官腰閒鹿盧帶頭上駿驥冠歷詆翻無謂行尸坐  
冢看

經術無奇士朱游氣尙雄在廷劾張傳和藥勸蕭  
公意苦心肝出時難毀譽空近傳封事好也有諫  
臣風

六月十八日八弟自武昌偕婦歸家喜而賦

此

蘋藻相將迓季蘭  
一家人影倍團圓  
武昌博得雙魚否  
好作羹湯獻母餐

乍解征衣舞綵衣  
鐙前雙引笑聲圍  
老親色喜心翻訝  
可是連宵夢裏歸

恰向花時返畫輪  
楚山回首尙風塵  
下車慎勿輕談虎  
祇恐傳聞市上人

井樹風微扇影涼  
應餘舊夢落湖湘  
名流爭唱新

橋東詩草

卷上

六

婚曲美爾來從古戰場

城外晚眺

野闌蟬聲放雲濃  
鳥影低花應隨意  
好草欲過眉齊村  
味三升酒田功數斗泥  
是誰衝雨喚蒲鴿  
共鵝梨

恭閱先大父詩稿有感

試開祖硯墨淋漓  
忍淚難賡述德詞  
律細屢聽扶杖說  
題新曾喚翦鐙爲  
歌吟娛老當年夢  
辛苦傳

家一卷詩久向重闌歎淒寂展編恍憶課孫時

雨後夜坐

積水忽星影殘鏡如夕陽花邊紅淚溼樹外綠雲  
涼雨氣猶吞屋苔痕欲上牀嬌兒偏惡卧赤腳弄  
鳴蟹

七夕

幾葉涼雲擁翠駢銀河滉漾玉波零人間笑語天  
邊淚同向深宵雨內聽

橋東詩草

卷上

七

秋紅間冷數枝煙乞巧庭中影粲然爭拜天孫問  
消息亂星何處是天錢

戲簡洪溪

時寓  
僧寺

笑擁寒氊傍佛燈問官况味一如僧粥魚曉動維  
摩室入夢天花得未曾

豎拂聊吟博士詩晨鐘休訝入官遲香驄陌上無  
消息泥滑天街借馬騎

記曳輕衫認酒痕板橋西去最消魂亂紅飛盡春

心死風雨荒唐各閉門

紫塞風雲尙宴然健兒刀槩富兒錢笑君枉肆談  
兵口卜式無財可助邊

人海狂吟興未休鬢絲禪榻小勾留天生一掬英  
雄淚莫向空王座下流

奈我浮雲寄此身幾年顛顛一家貧枯吟墨墨秋  
燈翦輪爾禪關食肉人

送陳蔭山典籍從統領長齡出師行營

橋東詩草

卷三

六

躍馬長吟亦快哉刀韃影裏亂雲開久疑帷幄無  
奇士應見山川出霸才秃筆乍投千里去寒笳初

動一軍來黃河已報烽煙洗早向邊城奏凱回

時首

逆劉之協已於  
河南就擒矣

翩翩結束傍雄師不爲封侯也自奇往日談兵惟  
有口高秋送別可無詩天邊星使嫖姚騎座上薇  
郎勅勒詞憶坐官齋同說劍羨君眞被禁中知

八月初一日蘭兒十歲詩以紀之

嬌小添丁最惹憐記分花下洗兒錢不知汝易食  
成長詩酒忽忽過十年  
上樹健如黃犢走中庭憇尙白羊騎高秋此日看  
初度又費而翁計日詩

初四日復直省垣

難將塵海當林園竿木催場第二番夢到重遊翻  
有味情如再嫁總無言疎窗墨暖殘蠅集秋樹風  
高衆鳥喧遠愧西池鷗鷺好一生閒冷對潺湲

橋東詩草

卷三

九

舊巢檢點去年枝橐筆依然裏硯隨同輩已將前  
度認此心難望外人知一家婚宦孀親累百口藿  
鹽巧婦炊可是欲閒閒不得幾曾貪咏早朝詩

偶檢廚中酒具皆爲大雨壓牆所壞作此惜

之

古盎忽牛鳴深杯皆羽化奇字纔看屋漏紋清談  
幾死排牆下尊匱厯落笑無塵似撥秦灰認劫痕  
來朝雨歇提壺喚坐憶田家老瓦盆

劍

未湛仇人血深宵不敢鳴匣中三尺影酒後十年  
情軼里身難許麗娥志倘成奇光高作作上有客  
星明

鏡

一匳秋水太澄清隋殿秦宮浪得名顧此形容宜  
斌媚照他鬼蜮莫縱橫徑飛天上雲應破偶映窗  
前月乍盈我有靈臺原皎皎暗中窺影尙分明

橋東詩草

卷十一

三

重陽後三日秋闈揭曉七弟得中副車作此  
慰之

盼到泥金已曙暉歡聲稍稍起寒扉未隨六鷁全  
身退且共殘鴉半翅飛失意應難論科目降心猶  
可慰庭闈桂林來歲荆花好更卜松楸大十圍  
先  
日留霞峪 祖墓前松  
樹被人折斷十餘株

醉題

酒氣吐長虹刀光飛匹練生有報仇心不讀荆卿

傳

七首值百金弗能棄藥囊人羨夏無且我憐秦舞

陽

遠枉倉皇走生王氣不生應知秦殿上鬼笑有餘

聲

悲歌壯士來微語將軍死千古說燕丹名高四公

子

用東坡催試官考較詩原韻戲柬分校諸公

橋東詩草

卷三

三

科目無奇文合格便稱好試院宵傳唱榜聲心誇

一一凌蓬島俯視孤寒任可憐幾人淚向秋風老

君不見文章技之小遭遇無時無間中偏失知名

士意外常逢逐臭夫要返初心向初地奈何輕作

乖龍屠往日憐才心可必此日冬烘免未得吁嗟

乎然犀刮膜儻重燭下有神蛟上鴻鶴

題張太令

桓

風木圖

張生而失怙踰年失恃育於世母甫成立而世

母亦亡故作此圖張登庚戌進士知文安縣以卓異入都三兄同年生也

斜陽淡高樹葉葉西風戰寫入畫圖中淒雲生素  
絹維君少也孤椿庭未記面襁褓裏縷經傷哉慈  
母線兒身倚母憐母志殉夫善失母復踰年藐孤  
孰依戀世母悲黃鵠顏宗類賢媛撫姪如撫兒獨  
向衰門殿替續舊香煙替課殘書卷竹苦節乃完  
松寒心愈鍊啞啞樹底鳥寂寂堂前燕滄海爲桑  
田目慘經三變兒昔甫成人庭闈無一見兒今祿  
五斗當食何能噉誓將平反意報此劬勞願聲名  
橋東詩草

卷十一

三

赤縣歌官職彤廷薦母表女宗閭兒登循吏傳再  
拜展斯圖淚下常如霰

雪後夜坐

殘雪墮空檐翩然墜如鳥又疑枯葉落堆堦不須  
掃攬書坐長漏坐久覺燈小燈盡織月來戎戎催  
白曉寒宵覓奇句忽爾似郊島黑坐磨硯冰指僮  
墨聲悄此時大千人塵夢各顛倒

十月初五日午門坐班

殘雪猶明鳩鵲樓曉星歷落凍雲流洗兵有象天  
心見立仗無聲曙影浮雜珮情情三獨坐高冠嶽  
嶽大長秋舍人班許隨樞院歸去還依鳳沼頭

早朝

十二崇門詆蕩開凌兢瘦馬踏泥來試看待漏人  
如許曾到鈞天夢幾回五夜朝參宜耐冷一官樓  
散不須才宮中待展瑤池宴願乞霞漿介壽杯

爲母  
煥壽

橋東詩草

卷七

三

戲贈丁舍人同年

襤被何須怯薛同吟情長繞百花中宛然博士披  
香殿粉黛零星管六宮

禁漏沈沈燭影涼淋漓健筆一枝忙掖垣西畔歸  
鴉晚慣認薇郎是夕郎

試檢晴窗乞米書侏儒爭飽一囊餘而今莫更嗤  
臣朔陛楯諸郎恐不知

籠東笑我氣難馴怡喜揮毫有替人數斗隴麋三

寸管累君時滌硯函塵

省中雜詩

布旗瓊笠任招呼擔雪紛紛埽地夫預向東偏傳  
法駕來朝天仗出天衢

寶籙初修趁曉暉相公無暇到綸扉爭看書局隨  
身好金海橋頭信馬歸

諫草更番達未央留中取次待平章三邊近也多  
封事那許先傳政事堂

橋東詩草

卷士

三

貫索星前曙影回都船獄底暗雲開舍人捧筆渾  
難下爲待蒼蠅報赦來

冬日過玉蝀橋

一碧蕩寒漪萬花忽無影飛樓簇金翠下映何井  
井紅橋迤北海畫塔高西嶺耐可車馬塵不礙清  
虛境霜風昨夜來仙鶴生幽警癡意惜蓮房焉知  
根底冷

送汪劍潭司馬之官粵西

灘江司馬鬢絲絲舊是揚州杜牧之貧到一官初  
進日愁看萬里乍行時囊中彩筆留題句海上紅  
牙絕妙詞見說蠻花風信早寒梅幾處逐旌旗  
憶裁錦字寫官奴嘗自書所作  
詞一册贈予青眼時時向酒徒  
廿載名場君已老一門才子世應無令子竹海竹  
素皆詩人也  
奇情好共搜千嶂歸夢仍先到五湖他日倘爲勾  
漏令願隨仙叟覓丹鑪

游仙

橋東詩草

卷三

五

手把餘杭酒一杯謫居何用向蓬萊似因慧業難  
脩史未有仙人不愛才滿地瓊花誰管領數行碧  
字任疑猜淮王只識閒雞犬翻訝琴高跨鯉來

詣漢本堂戲占

徑典朝衫臥酒罇誰能問似此官無文書堆案憑  
長史冠烏盈堂屏腐儒詩境不妨常黠淡宦情最  
好是模糊那堪入座攢眉甚一隊牙牙白項烏

贈楊蓉裳

芳燦  
員外

樂府頻留錦字題幾年楊震在關西歌傳金榜餘

江左詩帶秦聲雜鼓鼙兵法尚無仙吏敵嘗守伏羌縣禦

賊有功才華或有古人齊名流滿眼誰耆舊祇覺逢

君首便低

曾住倉山夢未忘乍依塵海笑忙忙貧來作宦情

尤冷老去憐才意更長敢詡高軒過李賀定容小

子咏王昌平生綺業知難滅恰願輸心一瓣香

題瞿菊亭雁門秋院本八首瞿公昔遊代州曾修孫白谷尙

橋東詩草 卷三

書故祠故作此記

當年橫劍鬪螭塞曾倚斜陽弔古祠今日挑燈看

法曲淒涼恍憶踏歌時子乙己年在代州曾訪公祠

重起祠堂對暮雲招魂何處故將軍爭如江外梅

花嶺秋草茫茫閣部墳

讀罷殘碑感未休幾人心爲古人留遙知別薛荆

蘿際側帽橫驚一雁秋

潰圍事本異哥舒百日同傷浩劫餘燐血模糊環

珮冷邊人淒煞老尙書

誰遣潼關四扇開陣雲渺渺雨聲哀書生成敗休  
輕論從古衰朝哭將才

詔將曾拘百戰身銀鏑影裏賚勞臣九重色喜中  
樞怒闕外誰容著此人

柿園一戰恨漫漫脩到沙場死最難馬革不歸心  
史在全家鬼影自團圓

驚天更說周忠武不許妖龍近墓飛却笑無人築

橋東詩草

卷五

七

堤堰平明陡見一山圍

乙巳夏間事

瞿曇老去善悲歌勅勒聲中感慨多譜出客臺無  
限淚歸魂依舊晉山河

靈旗遙捲雁來天冠佩應知望儼然他日青山重  
載後墓門先貰打碑錢

橋東詩草卷十三 堂前倚海遙聞潮丸難飄浪出

喜官資兼職科生獻大興邵葆祺壽民著

辛酉

春日同人遊釣魚臺有作

列耳忽潺潺樓臺金翠間水聲如許急詩意若爲  
閒花疑昨宵雨波搖何處山笑儂官裏去相映是  
塵顏

策策千頭小魚苗細影分塵中自流水天外總閒

橋東詩草

卷三

一

雲孤鳥窺羣客新苔上古墳前朝遊幸處舊事有  
傳聞

送趙味辛前輩之官青州司馬

手板忽忽去江南有老親鄉心千里近宦味甘年  
貧已許分符貴仍看舞綵新薇郎除目換遙慰白  
頭人

却喜官資雅啣杯坐嘯餘齊州傳異釀魯殿覓殘  
書戶版蠲租後公堂簡訟初近聞防戍緩應免出

征車

妙有滄洲趣三山一望收潮痕空際滅天影幻中  
浮興逸思飛棹吟酣定倚樓何當携鐵笛同望海  
門秋

落落鬚眉古名場一第難偶教參大郡容易去長  
安醉後婆娑影貧餘本分官家風青史在廉吏舊  
門闌

五世聯交早慚余弟子行迎門徧倒屣繫鉢更飛  
橋東詩草

卷三

二

觴故步追西掖微官奉北堂友于如借問爲報不  
能狂

綺砌翻紅藥將離贈一枝觚稜餘往夢廳壁待新  
詩海郡雲千葉河橋柳萬絲青衫多別淚相送日  
斜時

待詔

掖庭待詔幾才人宮漏遲遲夜向晨剛是五更風  
力緊露桃香殞一枝春

新調白馬小紅車一樣雙燈護萬花留得金牌應  
記取女兒名已屬天家

偶述

簇簇花冠聳駁蟻螭頭晷影度辰時傳宣未了天  
章下多少紅雲為護持

一檠燈影墮欄前萬翅宮鴉噪曙煙聽取閣門催  
喚起侍臣都在殿東偏

凡早朝宣詔諸臣進見多於辰刻謂之喚起兒

曉傍金貌笑舞毬烏孫班裏幾通侯名王可是呼

橋東詩草

卷三

三

韓裔也佩鸞刀侍鳳樓

玉驄爭放早朝回禁掖清閒午漏催筭到今朝應

送喜果然天外捷書來

抱書椽吏儼分行遙辨星郎與夕郎不敢輕窺櫃

密地繡衣御史坐東廂

初夏直 圓明園

鈿轂隆隆繡陌長酒樓曾醉綠衣郎

予丙辰釋褐時到此

然青黛橫西嶺又見朱櫻出尚方

是日新進士引見一曲

小橋溝水活萬枝高柳殿雲涼舍人珥筆聽封事  
悄傍花磚認夕陽

芙蓉恰冒曙煙開竟日池邊遶幾回照影尙留真

我在掉頭忽避要人來眼中歷歷憑詩史闡外寥

寥覓將才見說深秋須校武玉鞭遙指瞭鷹臺是歲

本應於秋間巡幸木蘭後因雨大有詔停止

題畫贈高舍人鄂

一種荒寒意零星畫不濃遙邨藏雨色老樹露秋

橋東詩草

卷三

四

容徑仄難邀鶴窗幽好聽蛩試從雲影外添个最

高峰

六月大雨海淀卽事

再惡天無色飛泉倒海迴城疑三版浸湖訝十弓

開遠市蒼茫影高樓灩澦堆宮門流活活宰相棹

船來

廣廈今難庇妖星昨尙明九重哀痛詔四野橫

流聲南郭先逢墊西隣况苦兵近傳追寇處也向

雨中行

豈意桑乾決如傳瓠子歌百年承 帝澤一月瀉  
天河鬼馬橫沙立神魚躍浪過銀鐙收長吏可奈  
歷風波

白骨千家在荒村一望無紛紛將作監躍躍執金  
吾溝洫空存志流移忍獻圖是誰陳上策但許乞  
爲奴

轉粟仍呼癸升壇匪望仙裴優三里霧卜式萬緡

橋東詩草

卷三

五

錢貧少中人產愁多歷劫天 皇仁原浩浩霑洒  
仗羣賢

七月初二日大雨入直

塵土東華浪幾層溼雲難護早朝燈隨波如許滔  
滔下鵠立中流歎不勝

幾日晴疑劫後天那堪秋雨更連綿朝來千步街  
頭過笑殺朝官喚渡船

中元日口占

浪浪舊雨霑新鬼簇簇間官賑餓人見說瑜伽還  
布施一盂難拔萬家貧

八月十七日送二妹歸櫬浙江

時妹婿奉諱南歸挈柩同

去

似送紅閨遠嫁行謝庭悽愴數年情  
催征棹靈旗捲已見荒坵蔓草生  
妹厝庵中五年矣身後因緣眞慘  
淡夢中離別不分明一棺歸去從夫婿  
夜雨泉臺有哭聲

橋東詩草

卷三

六

文淵閣卽事口占

一串牟尼訝許榮頭銜可較向時清  
早無學士金龜分聊助家人玉佩聲  
萊服頓教增異彩芸香終媿負虛名  
詩朋爭說探奇勝新有驪珠領下生

九月十四日姪女雲兒痘殤作此哭之

到死猶聞慰母聲散花天姥太無情  
那禁惡疾纏綿苦剩有孱魂宛轉驚  
何處呼爺難訣別

七弟時入秋闈

果然生女莫聰明嬌年祇賺全家淚  
爭倚靈床哭

乳名

挽王文施圃大令

知孟津縣卒於官  
先外姑之弟也

曾倚危陴說戰功

丁巳年事

王喬臆逝竟念念瑯琊早

望因情死彭澤翻教爲仕窮雙槽一旛秋雨溼

夫

先孤魂千里暮山空重泉阿姊如相見忍淚先應

問陝中

外舅時駐  
兵鞏昌

晚秋感興

無定風幢不繫舟一微塵裏暫勾留雲中遊戲隨

橋東詩草

卷三

七

雞犬世上招呼任馬牛但覺阿戎能敗意誰憐叔

寶未禁愁疎窗欲覓安心法坐對黃花又感秋

十月六日京兆榜發七弟八弟同捷作詩志

喜

雁行轉眼竟連飛燈火泥金豔豔燿姓氏模糊聯

葩榜笑聲次第到萱闈相將引袂歸珊網正好稱

觴舞彩衣可記影堂揮涕後十年辛苦自鳴機

初八

日爲  
壽辰

母

荆樹花前桂幾枝連珠敢擬竇郎詩貧猶科第家  
能起病偶沈綿氣不衰時八弟大病剛值華年承 祖

陰先祖於乾隆辛酉舉京兆試定餘佳話待兄爲四旬喬梓同

登好珍重元方共阿宜先祖父辛巳同榜進士先祖有句曰勉旃休學椿巢

老喬梓同登逾四旬

三兄解餉蘭州近甫東歸途中有詩寄懷此作

奉答

尺素傳來勅勒歌半年蹤跡滯關河曾穿賊壘吟

橋東詩草

卷十三

八

懷壯爲轉軍儲慨論多赤縣畿聞勞杼柚黃沙渾

未靖矛戈秦山此日重回首烽火雲巒可奈何時復

聞階州告急

結束應誇短後裝居然傾耳聽伊涼身閒乍喜逢

迎少秋好偏嫌去住忙玉塞蒲桃千日酒灞橋楊

柳萬枝霜歸鞍乍解明湖晚一笑來從百戰場

屢思親舍勸加餐無那支吾苜蓿盤百口遙憐家

計苦十年早悟吏才難籛金偶了尋常債匣印仍

隨本分官近喜萱堂多好景兩枝丹桂耀門闌  
意氣全銷髻影疎一家貧病歎何如已墮塵網難  
圖佛未解錢刀悔讀書老屋淋浪秋雨破閒官寒  
落世綠虛新耽愁味濃於酒祇仗春風爲掃除

冬日五鼓入直

城柝遙遙耐五更東華踏鼓雪初晴偶從星斗占  
天象苦被冰霜鍊宦情雙闕雲盤鴉翅影萬家夢  
擾馬蹄聲今宵何客傳封事月冷彤墀燭尙明

橋東詩草

卷三

九

橋東詩草卷十四

大興邵葆祺壽民著

壬戌

三月初七日扈

蹕敬謁

秦陵恭紀

繡繖珠旂往復迴  
陵花爭豔帝車開  
名王幾種呼鷹隊  
侍從何人諫獵才  
但有春時皆雨露  
偶無山處忽樓臺  
笑濃恰似離宮女  
奉帚頻先玉女來

橋東詩草

卷十四

十四日宿潭柘寺

誰許官曹借馬騎  
羣峰窈窕一鞭遲  
漫驚行路難如此  
似到釣天夢好時  
雲影數重邀步輦  
花光萬點湧春旗  
短衣苦染緇塵黑  
却向清瀾照髻絲  
行幕剛留地一弓  
五更風雨掩疎篷  
看山作意詩偏少  
拜佛無心氣轉空  
桐馬爭依岩石畔  
含毫如在禁廬中  
層嵐上有諸天護  
法駕今宵駐梵宮

香山紀事

宮門咫尺望天顏捧日黃人怯避班  
怡喜今朝宣露布 君王閱武在香山

玉澗迴環翠靄中散花香雨落花風  
笑他一樣清流遠粉蕊飄飄雜馬通

何處前魚漾古苔

池內金魚盈尺  
明正統年間物

舊蹤難覓祭星

臺

金時築

俗兒解事分明說躍馬爭看卧佛來

卽普覺寺

脫腕如催急就章好山終日看人忙  
可憐枯盡生花筆狼藉惟餘字一囊

橋東詩草

卷十四

二

內子三十初度祝之以詩

一笑狂奴態相看十五年病猶容我傲  
貧只受卿憐寫韻微寒夜評花薄暮天  
綠窗春影瘦舊話幾纏綿

錦襖兒都長妝臺婢亦新雲山千度夢

外舅官廿  
肅十五年

矣蔬布十年身莫問尋常債仍歌爛漫春  
一杯婪

尾酒先介白頭人

夏日省垣卽事

清切絲綸重蕭疎歲月長  
乍迎黃閣老仍看綠衣  
郎事簡詩應補心閒夢未忘  
槌車驚往日波影上  
宮牆

輓何嘉圃前輩

粵東人乙卯翰  
林改官舍人

指點官齋墨瀋餘  
東華塵土記分車  
別來三口寧  
知死病人重泉  
尚未除瘴海  
難歸魂亦慘  
蓬瀛曾  
到事全虛  
遙憐大母今宵夢  
猶望孫枝報捷書  
命

公車  
來京

橋東詩草

卷十四

三

蕭山汪氏雙節詩

淒淒未亡人惻惻同心友  
三十餘年對泣聲  
空房瘦影長相守  
死節一何易  
撫孤一何難  
堂上尊嫜  
膝前子可容  
輕死殉夫棺  
我辟纊汝市鏹  
紡績燈  
前看兒長汝  
晝菽我丸熊  
聽兒夜課書  
堂空兒舉  
賢書成  
進士母節既完身亦死  
九泉聯袂報先人  
共話生前悲  
復喜節母之名  
千古矣  
節母誰徐與  
王大義村雙節坊  
乾隆二十九年朝命下  
龍繡鳳

詔褒煌煌君不見越人爭誦蕭山汪

寄題外舅蔡小霞先生春及圖

布穀聲中響桔槔水田風柳認周遭聽殘勅勒歌  
猶壯畫到江鄉夢亦勞簪笠一家人影合桑麻何  
處塞峰高明駝未似烏犍穩笑語羌渾速賣刀

旌節遙遙擁豸冠幾聞丹詔去長安皇心已欲資  
專閫臣志何嘗望進官

去秋 賜戴花 翎旋擢臬使

千里軍書

仍草檄十年戰馬未歸鞍披圖肯作田園想祇恐

橋東詩草

卷十四

四

邊沙轉粟難

坡公腸斷魏城君

外姑歿 已六年

官閣裁詩恨語聞挽鹿

當年思共老占熊此日惜離羣

謂充郎 儀郎

天涯兒女

關心切春暮鶯花照眼紛恰似饁耕時節好看雲

無語坐斜曛

誰憐人海自沈浮落拓朝衫笑不休官冷世猶輕

卜式詩窮我早媿黠妻寄書玉塞頻懷遠剪燭紅

窗細數愁無計買山賦偕隱畫中可許荷鋤不

中秋是夕  
月食

欲向長空問轉輪眼前風景太愁人  
減來月影三分好添得詩材一字貧  
萬瓦參差銀漢溼半簾疎冷  
芴衣新常儀枉自偷靈藥貝闕還餘  
素了因

題家瑤圃先生黃葉林間自著書圖卽送其

南歸

偶憶瓊環舊夢疎漢廷誰復薦相如  
侵尋白髮還招隱寂寞青山好著書  
萬卷行裝歸棹後一庭秋

橋東詩草

卷十四

五

影上堦初憐余挾策空翹首塵海迷  
茫問字車

觀我四首同船山作

生

世網無端累此身回頭何處認前塵  
偶然墮地誇英物幾許生天證夙因  
寂寞靈均感初度淒涼桑戶歎猶人  
金仙下視渾遊戲踏破河車笑一巡

老

曾見博桑照海紅幾多愁緒夕陽中  
名心到此仍

難減世態於今倘未工遭際偶推黃髮老顏唐猶  
羨黑頭公青娥枉奏開元曲舊譜當年調不同

病

落葉迎風草拒霜摧殘何計託巫陽祇嫌身在無  
逃處尙望人傳不死方氣盡功名留疏稿情深兒  
女繞匡床枕刀也下英雄淚卧對金天泣數行

死

漏盡鐘鳴太可憐行屍幾輩向重泉曹蜍久已無

橋東詩草

卷十四

六

生氣賈誼空教損少年陌上簪裾青史夢雨中卽  
隴白楊天鼓琴編曲君休訝早爲傷心未死前

觀物四首

仙

香案理頭綠字符頻年塵擾誤丹爐倘隨雞犬甘  
心否試作鴛鴦稱意無大藥何時餐沆瀣三山從  
古路模糊跨魚自逐琴高去醉聽滄溟鐵笛孤

龍

金碧樓臺過雨昏殘紅挂影氣先吞自然變化從  
靈海別有神奇護佛門竹杖隨身輕著力畫牆點  
筆淡無痕飛騰忽傍慈雲繞一溥瑜珈浩蕩恩

鬼

戎戎枯影出巖阿腐草涼螢瞥眼過爭委蟲沙成  
薜荔餓鬼名尙榮袍笏作閻羅九天魂路招何遠百  
代才人聚已多見說鮑家風趣好秋墳詩唱近如  
何

橋東詩草

卷十四

七

蝶

畫簾雲靜午風歛容易裁成豔體詩雙影累他因  
繡嬾一生笑汝是花癡史才輕薄全無用仙夢顛  
狂不自知寄語游蜂休作鬧含香去揀最高枝

卧疾

偶欠韓康債支分買藥錢醉鄉原放浪秋味久沈  
綿劇類拖腸鼠患持愁同縮項鱸新詩吟不得翻惹  
病來先

純灰三斛洗頰影一藥畝示疾應談佛安心不問  
醫山妻教止酒小妹替抄詩辜負黃花約空廊雨  
萬絲

秋日省中雜詩

宮鴉飛不止曙色在東隅樹影一時淡蟬聲何日  
無族談疑夢擾久坐覺心孤忽作看山想炊煙起  
竈觚

綠章堆案尺先佛一經繙依樣仍思誤分曹不憚

橋東詩草

卷十四

八

煩了無封駁分偶效法家言欲問三長史廷平倘  
未寬

涼雲雙闕外疎雨百花中覓句秋原好磨官氣不  
雄排衙餘小史畫諾有三公昨日沙隄畔爭迎鶴  
髮翁

禪堂僧飯早村塾課程嚴陳迹團團磨微資稍稍  
添眼光牛背矮身世鼠肝纖含笑看檐雀爭枝啣  
不嫌

豈許絲綸掌偏憐傳舍過拈毫今我在回首古人  
多事業留窗几心情負薜蘿一丸烏挺墨相與暗  
消磨

名心渾未已強半爲衰親冷宦宜娛老清郎不厭  
貧秋高衣轉典才退筆無神下直驅車緩輕肥爾  
許人

讀史

萬夫血杵染長城童女拏舟海上行尋到三山仙

橋東詩草

卷十四

九

未見華陰道上鬼分明

蔡義行年八十餘形容如嫗步徐徐閒從曹掾談  
前事曾見千秋上殿車

朝聞呵殿暮幽囚遠譴龍沙可自由恰勝黃頭郎  
餓死隨身猶許一簪留

祖帳東門憶漢京我嫌疏傳亦虛名兩朝恩重青  
宮小如此歸田總不情

試問寒衣織未成深閨處處剪刀聲有人壓線風  
塵裏響屨輕衫自在行

度徹金針意轉慵秋葵斜掩淡眉峰饒他手爪工  
縑素妾自能歌尺布縫

零星鍼帶笑盈筐似採羅敷陌上桑寄語使君休  
立馬兒家未解繡鴛鴦

欲典鶉裘卧酒壚送窮無奈意躊躇誰描寒女街  
頭影令我驚心鄭俠圖

橋東詩草

卷十四

十

得三兄書占此奉寄

矣

時已卸維邑事全家僑寓省垣將有歸田之志

懶爲折響吏不待督郵過官累原如此家貧可奈  
何掛冠今世少捧檄古人多且復因親屈高堂兩  
鬢皤

冬夜獨酌

冬心久抱世緣空賸有攤書燭影中魯酒味能驅  
薄睡時山左孫駕部送酒一甕唐花開不藉春風詩材到眼吟

偏懶米價關心問轉窮我訝古人眞磊落不治生  
產卽英雄

除夕

愁倚寒檠照鬢絲煙霞何日慰心期清貧太甚仍  
賒酒好句無多不祭詩喚富偏憐殘夜短銷兵已  
盼七年遲彤廷正喜歌鐃奏萬戶回春趁此時  
十七日經略等已  
報三省大捷矣

橋東詩草

卷四

七

橋東詩草卷十五

大興邵葆祺壽民著

癸亥

初得告身示內

告身初捧有輝光  
展處春風繞畫堂  
眉案辛勤聊  
慰汝頭銜清雅  
怡爲郎乍披玉篆文  
雙格未飽侏  
儒米一囊

予尙未補官

何日仙臺同注籍  
樊娘猶許伴

劉綱

橋東詩草

卷五

送張鹿樵舍人扈蹕薊州

輦路傳仙蹕  
春寒雪未消  
雲縈盤嶺細  
天入薊門遙  
內廐新調馬  
行營舊射鵬  
翠華臨駐處  
松栢晚蕭蕭

畫塔留清梵  
陵園拱翠微  
峰巒仍帳殿  
霄漢儼裳衣  
大祀牲禋肅  
三邊羽奏稀  
薇郎叨扈從  
橐筆趁斜暉

御水通南苑  
明波鑑影開  
乍看千騎遶  
争逐六

龍迴碧草連天合黃雲捧日來舊傳蒐武地鞭嬾  
瞭鷹臺

翩翩輕結束遙傍屬車塵玉貌張公子清諧郭舍  
人王程趨薄暮聞夢膩深春計日還家好詩囊徹  
底新

春日雜詩

歌樓何處拂梁塵時方禁官入市觀劇閒叩僧扉問好春  
蝴蝶公然無界限不會攔住看花人

橋東詩草

卷五

二

玉堂文戰自風華紫殿春深日影斜見說六宮  
方采選知他誰是上陽花

朝衫乍點柳棉輕金海橋頭躑躅行此日期門防  
禦早橫刀叱咤問書生

頻年潦倒醉香塵苦被名花笑酒人今日公榮偏  
不飲要留醒眼送殘春時偶戒酒

留鬢

三十專城笑未堪鬢鬢已覺背花慙漸驚歲月眞

彈指却悔科名枉摘領異稟何人誇媪相吟情此  
後付髯參伐毛早分無仙骨合共長眉坐一龕

三兄於四月考滿入都閒居過夏今於七月

將行矣作詩送之兼抒鄙

試埽東頭屋兩簾依然風雨對床時一家人影團  
樂好十載官聲上考遲宦嬾欲休花縣夢詩窮先  
問草堂貰匆匆三月看萍絮霜雁逢秋又別離

檢點着衫貫酒錢疎燈閒話晚涼天憶來童卯渾

橋東詩草

卷五

三

如昨說到情貧只嘸然許武有時應讓產泉明何  
事欲歸由拂衣自是男兒志憔悴嬾闌奈暮年  
爭仰慈雲護舊廬門闌風景可如初竈觚煙冷朝  
逋米鄴架塵封暮典書兒輩功名心力盡儒家生  
計運籌虛聞君擬傍蓮湖住回首橋東夢恐疎  
牢愁空擊唾壺頻驅馬年年障面塵落拓原爲廉  
吏後低徊仍是宰官身虛名食助全無味快論求  
錢或有神君果乞休儂乞外高堂珍重白頭人

挽玉田丞沈儀舅氏

傲裘隨輦路風雪一官卑人望迴鞭日君傷就木  
時行裝餘手板歸櫬認牙旗賴有泉臺伴莊妻伯  
道兒

昨宵腸已斷老母病纏綿開札燈先死推衾淚尚  
懸庸醫秤藥誤舊僕拊床憐何處招魂好燕山凍  
雪天

橋東詩草

卷五

四

橋東詩草卷十六

大興邵葆祺壽民著

甲子

春夜偶吟

杯闌無一語風雪上鐙初寒覺新年甚貧宜舊雨  
疎庚申空伏守甲子又乘除坐惜流光駛天街鼓  
統如

查樓飲酒歌爲雲郎作

橋東詩草

卷十六

一

振袂歌陽春軟風初拂人人日驅車鳳城遠河橋  
冰影微粼粼攔街小兒笑拍手笑儂柱踏晴泥走  
謁遍朱扉不見人何如去飲花前酒旗亭絲管似  
樊樓水調新傳菊部頭萬花如春春如海誰擅燕  
臺第一流雲郎風格何道媚早從理曲知名字生  
小歌場未展眉可兒別具牢騷意當筵一笑氣偏  
豪不畏羅虬腕後刀行酒公然推錄事罵人也解  
學山膏萬事逡巡吾愧汝填胸壯氣何曾吐眼見

行屍笑不禁空廊閒煞漁陽鼓訝卿吐語有鋒芒  
助我持杯瞻欲狂不值一錢丞相客何如沈醉少  
年場迴波曲燒鑿宴下樓躑躅風雲變傍人爭唱  
冶春詞與子同歸遊俠傳君不見典却宮袍笑酒  
緡提壺徒喚奈何頻紅兒莫更傷淪落同是名場  
潦倒人

讀史

蕃錦迴波擅體裁紛紛都羨玉堂才不須更獻防

橋東詩草

卷六

二

河策已博天顏一笑來

白髮元僚領上清手扶仙杖話三生陋他宣室咨  
神鬼自幻嬰兒職玉京

題汪布衣

鯤

桃花潭水詩鈔卽送其南歸

兩度燕臺任投詩記我曾才名黃髮叟風趣白頭  
僧寂悟開幽窾枯吟入上乘羨君烟棹返塵海幾  
人能

穀雨日同張鹿橋遊憫忠寺看海棠

遙指僧樓暮靄邊看花偏與佛爲緣濃春已醒紅  
妝夢初地誰忝白骨禪百代虫沙歸淨境一枝人

柳想華年風櫺破碎梁園渺回憶鄒枚更惘然

先叔  
二雲學士嘗從質郡  
郡王文謙于此處

次日復往遲鹿樵不至

重向祇林藉軟茵空王應試再來人詩情乍賦春  
偏老花事將疎佛也貧楚唄聲中三月雨晴絲影  
裏一欄塵誰憐擁鼻微吟客獨自躊躇現在身

橋東詩草

卷六

三

夜話

生衣瑟瑟晚風殘一縷心香話夜闌淪落祇綠登  
第早清貧愈覺著詩難憐才人是閨中好惜別書  
仍塞上看料得星軺重回首知卿遙憶古長安

外舅  
小霞方伯於四  
月內入覲甫歸

聞初頤園少司農因事罷官

驚傳嚴譴到孤臣抗疏風裁對簿身温樹偶談輪  
孔傅江蘺獨咏感靈均衆皆欲殺宜持法帝許

投閒爲養親堪笑屈菴眞老革枉拋心力中鄉人  
廷議時某相撿以大辟責其周內僅令罷官侍養 上

曾殛宏羊瘴海邊孤兒感涕萬人傳

歲辛酉公劾誅黔撫某天

下皆

稱快公眞有力祛狼虎我已吞聲告几筵愧未舉

幡私誼報喜聞解組 聖恩憐東山再起知何日

望重蒼生甫十年

治瘡

早向秋風厭扇扇紕卧聽街鼓懶磨官驅將瘡鬼詩

橋東詩草

卷六

四

應險夢到遊仙病亦安劉毅橫櫓充藥餌何郎組  
懈戒盤殮傍人漫許倉公術去我胸中塊壘難

病起

病後心情劫後身藥爐烟冷酒杯親午窗伸脚愁  
難穩又踏天街十丈塵

小侯引

玉靶橫秋丹綬繞駿驥冠耀春花小試問華年二  
十三錦鞞踏慣天門曉烏鸞家世本雄奇不識

悠世上兒日禪梓胡肝膽裂繡衣幾點淋漓血河  
山恩券下龍樓內監傳呼拜小侯賜來名馬高逾  
丈袖短鞭長不能上朝從羽衛獵長楊暮聽宮鴉  
出建章侍子常嬉金殿上嫖姚早護玉輿傍君不  
見關西老将無人薦結髮沙場空百戰亦有金劄  
刻畫痕白頭未識君王面

飛蝗謠

萬翅穿雲織如縷農人淚下紛秋雨蝗飛不落縣

橋東詩草

卷六

五

官前偏墮深宮香案邊瑤階跳躍渾無狀疑是沙  
蟲之變相宸章切切念民依多恐苗枯蝗影肥  
長吏馳章爲蝗謝蝗栖弱草無妨稼蝗兮聽爾長  
官言何不化爲蝴蝶秋翩翩免被田家撲逐喧

繡衣行

金鑰倉琅瓊殿曉紅鐙影暗宮鴉繞繡衣御史鳴  
珂來却望殘星首重回君不見豸冠風骨何清顯  
驄馬人人學桓典不惜隄糜磨半丸或被恩膏進

一官深宵競聽蘭臺鼓諫草紛紜筆花舞數十萬  
言賈長沙一百八疏任伯雨尙衣老監步婆娑手  
捧封函看曉河昨夜液池新雨過官蛙取鬧十分  
多

遊仙曲

白玉堂畔仙雲開相公倚杖看蓬萊擘舟欲去海  
風遠爾無仙骨空徘徊華池悄闢逍遙上坐聽雲  
漱天樂響自詡前生玉局翁爭看此日金闈長吹  
橋東詩草

卷六

六

簫子晉方少年居然管領鰲峰巔試開寶籙紀名  
次龐眉肯讓童牙先縱橫一部十七史上下九天  
幾萬里一樣風花過轉輪生非生兮死非死君不  
見蔡邕再世卽張衡此例空王記得清笑汝金丹  
養未成何不去訪葫蘆生

南山行

征人盡著錦衣歸獨竄南山夜合圍憶昔挽弓大  
營伍爭誇有力雄如虎周秦全身刀劍瘢陳安丈

八蛇矛舞姓名在鄉不在官將軍召募隨登壇論  
功每隸天兵後殺賊居前常死關惜哉百戰梨花  
槍驅馳關隴勢莫當生本求官乃作賊故里無家  
歸不得歸不得可奈何頭顱崛強刀光磨昨夜官  
營千騎發哀笳吹墮空山月總戎仍是霍嫖姚猶  
認當年部下卒

少年行

不樂空有千雙田不狂空爲俠少年少年未肯儒

橋東詩草

卷六

七

冠誤抵死人間要官做

用宋張商英語

可憐白哲誰家郎

輦金千里來俵俵朝逐五陵兒暮挾高樓倡籍福  
秦宮趨兩廂被酒張燈呼博進千萬黃標一喝盡  
少年顧此百不憂尙有身上黑貂裘速典金錢爲  
官計君不見司農方急防河例

猛虎行

猛虎居崇山百獸氣皆凜豈必恃爪牙雄威負天  
稟奈何遭急縛幾與牛羊同縱歸一何易怒伏空

林中獵火黯無光  
荒草深一尺  
曉來看山下  
多少  
狐狸迹

婦病

果然共命似鶉鴉  
貧本相憐病亦兼  
瘦影禁秋悵  
繡榻濃愁和夢壓  
筠簾方書有驗思  
重檢詩句無  
聊懶更拈賸典金  
釵供藥餌  
自家搜取舊香奩

嘲花

偶借花名入我詩  
詩成原不望花知  
誰將一首銷

橋東詩草

卷十六

八

魂語訴與紅妝背面時

有懷戴金溪比部時分授秋闈

坐擁卿環懶出城  
白雲司裏調誰賡  
未登諫院神  
尤冷

前考御史未用

已去仙山骨  
更清花下憶  
曾扶醉態

詩中偏不愛時名  
披文此際風簾靜  
細聽煎茶沸  
雪聲

司馬長卿

家僮八百卓王孫  
傭保當鑪犢  
鼻禪到底相如無

氣骨苦貧竟叩富兒門

公孫丞相

晚遇何須歎苦辛  
煌煌東閣耀平津  
可知牧豕橫  
經日已是行年四十人

聞歌

顧曲千回酒萬巡  
歡場難遣苦吟身  
不應秋氣偏  
鍾我豈意悲歌尙有人  
河滿一聲知已淚  
韓娥三日繞梁塵  
何當爛醉旗亭側  
更睹雙鬟發唱新

橋東詩草

卷十六

九

喜郎洪溪同年至京

洪溪因避債出都薄遊吳下今來補官

相逢何意在歌樓

是日因觀劇相值

絲管聲中話舊遊似

理鷗盟來日下尙餘鴛  
夢落蘇州寒江雲影三年  
客宦海名心兩髻秋  
買醉壚頭同一笑  
世非我輩不能愁

繫纜曾尋響屨廊  
瀟瀟暮雨憶吳娘  
竟叨仙福看山遍  
未了塵緣去棹忙  
語我歡悰猶旖旎  
憐君詩味益蒼涼  
再來燕市悲歌處  
誰識荆高舊酒狂

贈劉澄齋侍讀前輩

時已入貲  
爲太守矣

雲龍徵逐有前緣曾向蓬萊逅散仙

辛亥年予初  
晤公子澄懷

園時官  
翰林

早服文章橫一世恰陪研几過三年人逢

華岳爭低首我對洪厓欲拍肩今日分張最無賴

憐才知己兩纏綿

歷落嶽寄可奈何劉郎前度已蹉跎才名詫絕舍

山叟

公詩最爲  
隨園推許

富貴凄然春夢婆同輩漸驚朝土

少餘情偏戀俗兒多銀燈細雨啣杯夜記否花奴

橋東詩草

卷十六

十

忍淚歌

謂歌者  
張郎

醉後彈冠一笑餘入貲渾未礙相如爭看華綬垂

腰際尙憶薇垣臺筆初退院僧原成苦行還丹仙

自趁遙虛王橋也欲乘鳧去好傍琴高掉尾魚

華冠作州首其性也里翁其風今日公最景無陳  
早辨文章賦一姓外剖府其賦三平人  
是讀詩表詩前集曾向  
御隆登微許齋匪贊  
富書館  
海山堂  
海山堂  
海山堂

